

Жума куни «Оли Имрон» сурасини ўқиш



ЖУМА КУНИ «ОЛИ ИМРОН» СУРАСИНИ ЎҚИШ

04:30 / 22.09.2023 3551

Ибн Аббос розияллоҳу анҳумодан ривоят қилинади:
«Расууллоро соллаллоҳу алайҳи васаллам: «Ким жума куни Оли Имрон номли сурани ўқиса, Аллоҳ ва Унинг фаришталари қуёш ботгунча унга салавот айтиб турадилар», – дедилар».
Табароний ривоят қилган.

Абу Ҳурайра розияллоҳу анҳудан ривоят қилинади:
«Набий соллаллоҳу алайҳи васаллам жума куни бомдод намозида «Алиф лам мим. Танзилу...»ни – Сажда(сураси)ни – ва «Ҳал ата ъалал-инсанни»ни қироат қиласар эдилар».
Икки шайх ва Термизий ривоят қилишган.

Ибн Абу Сайф Яманий «Ал-ламъа фи рағооби явмил жумуъа» китобида Термизийнинг қуидаги гапларини келтиради:

«Тасбеҳ намозини жума куни завол пайтида ўқиш мустаҳабдир. Биринчи ракъатда Фотиҳадан кейин Такосурни ўқийди, иккинчисида Вал асрни, учинчисида Кофирунни, тўртинчисида Ихлосни ўқийди». Сўнг охирида ўқиладиган қўшимча дуони ҳам келтирган.

«Жума ҳақидаги оят ва ҳадислар» китобидан